

## Пяшкотькшнемс комсомолецнень наказсон

Одс кочкаф комсомольский оргаттнень инголи конференцияне и отчетно-выборной собранияне путсть почетнай и ответственной задачат — пуропнем комсомольский массатнень партия и правительстват решенияснот пяшкотькшнema, кемокснемс комсомолецнень йоткса пропагандистский работат, няфтемс партия любить, самай труднай заданияснот пяшкодемаса мужеством и бесстрашием, дисциплинированность и выдержанность примерт.

Райкомонь и первичной организациянь секретарьхнень инь ламосна кярмодсть ни большевикокс комсомолецнень нят наказсон пяшкотькшнema. Вов ВЛКСМ-нь Кочкуровский райкомъ секретарец Тюгаев ялгась постоянна действующей комиссиянь членда башка, таргась комсомольский работати лама од активистт. Нят активисттне работайхть разнай кружокса. Сиянь лездыхть первичной организациятненьди ладямс культурно-массовой работат. Воеводск, Турдаки, Тепловка велетнень эса йофси ашесть работа избачитальняне. Первичной комсомольский организациятнень секретарьсва Архипов, Лукин и Каргина ялгатне, марса райкомъ виде-са культурно-массовой работат коряс комиссиять мархта кочкасть тя работати лучшей комсомолецт и сиянь вельдест ладязь избачитальняне работаснон.

Аф калдыаста работай Сабеева велень средняя школань комсомольский организацияске. Тяс пуроптсть ВКП(б)-ть историянц тонафнеманц коряс кружок, коза якай 56 комсомолец.

Аф калдыаста кярмоськши тевти и ВЛКСМ-нь Краснослободскийнь райкомське. Тяс од составсь эсь работанц ушедозе велень первичной организациятненьди лезксонь максомать эзда. 30 активист райцентрат эзда ульсть кучфт велетненьди, штоба тоса лездомс первичной организациянь секретарьхненьди.

ВЛКСМ-нь Саранскийнь райкомсь эсь работанц ушедозе первичной организациятнень эса пропагандистский работат ладяманц эзда. Кепотьксонди можна няфтемс Ворошиловть лемса колхозста комсомольский организациять. Тяс нинге куваркиге ульсь организовандаф ВКП(б)-ть историянц тонафнеманц коряс кружок, но сон йофси ашесть работа. ВЛКСМ-нь райкомсь лездсь ладямс тя кружокть работанц. Тян сон йотафтсь ни 4 занятия.

Сембе нят фактне корхтайхть сянь колга, што одс кочкаф комсомольский оргаттне кемоста кярмоськшихть конференцияне решенияснот пяшкодема.

Однако, нят сатфкснень мархта улихть нинге комсомольский работник, кода, ВЛКСМ-нь Сире Шайговский райкомъ секретарец Дуденков ялгась, кона пик саворста эряскады конференциять решенияснот пяшкодема.



Эстонский ССР-са

Ингольден Кильгас текстильной фабрикаса (Талин ош) социалистический трудть ладямаса оцю работа вятихть фабрикань комсомолецне.

СНИМКАСА: Комсомолкатне-активисткатне (кержи ширде види шири) Нарис Тайнерс, Ирико Гуги, Женни Угур азондыхть эсь работаснон колга фабрикань комиссарти Мангус Меликти-тякажа фабрикань ингольден рабочайти-чулочники. (Фото-клишесь ТАСС-ть).

## Мудрай закон

Лувомок печатъста СССР-нь Верховной Советъ Президиумонц Указонц Государственный Резерватнень колга, З.Полянень педучилищань и средней школань ученикне и педколлективне пуромсть районный клубу, кося оцю воодушевления мархта обсуждадазь тя исторический указть.

Педучилищань директорсь П. В. Букин ялгась эсь выступлениясон-за пик подробнайста азондозе тя указть хозяйственной и политической значениянц. Сон корхтась, што минь шиста шис гигантски касы социалистический промышленностьконди эрявихть квалифицированной и культурной кадрат, конат кармайхть аноклавома

ремесленной и фабрично-заводской обучениянь школатнень эса".

Оцю одобрения мархта выступили ученикне и ученикатне Киревсь, Наумовась, Агафоновась. Сиянь особенна кеняртьфть сянди, што установиндаф од порядка стипендиянь максомати. Тя прокс виде,—корхтайхть ученикне,—ся, кие кармай отлична тонафнема, кармай пользовандама стипендияса и тяконь мархта пугови пелодырхненьди и разгильдйхненьди.

Ученикне и преподавательхне оцю воодушевленияс шнайхть СССР-нь Верховной Советъ Президиумонц Указонц.

И. Паршин.

## Ремесленной Училищатненьди и ФЗО школатненьди од ломанень призывти анокламась

Сембе странать эзга келемсь Ремесленной, Железнодорожной Училищатненьди и Фабрично-Заводской Обучениянь школатненьди од ломанень призывти анокламась.

Запорожье ошса намечен организовандамс 6 Ремесленной Училищат и 5 Фабрично-Заводской Обучениянь школат. Сиянь эсост кармайхть тонафнема 8 тьожатьт подростка. Производственной обучениять цебарьста организовандаманц нивкса, сяда келепневихть существующей мастерскойне. Од станокт и дополнительный инструментт получайхть "Коммунар" заводть ингольден ФЗО школань мастерскойне.

Кагановичский, Краснодарский и Ворошиловградский областень лия угольной райоттнень эса главным образом организовандакшневихть фабрично-заводской обучениянь школат. Тяс будущей горнякне получайхть бурильщиконь, навалотобойщиконь, забойщиконь

и крепильщиконь профессият. Нят школатне полнайста обеспеченнайхть общежитияса. Кочкафт масторнь кадрат.

Сложная профессияс рабочайнь анокламаса областть лама райононзон эса, а тяфта жа Ворошиловградса и Ворошиловскийса создаются ремесленной училищат. Сидейст помещенийне обеспеченайхть необходимай оборудованьяса. Аноклакшневихть общежитият.

Колхознай и ошень од ломаттне производственной специальность тонафнеманцыт няфнихть оцю желания. Эрш шиня районнай призывной комиссиятненьди сашендыхть кемотть юношат, сиянь интересовандайхть примамать порядканзон мархта, тонафнемань условиятнень мархта, максихть заявленият просьба мархта кучемс сиянь од училищатненьди и школатненьди.

(ТАСС).

## Предоктябрьский СОРЕВНОВАНИЯСЬ

### Комсомолецне инголе

Предоктябрьский социалистический соревнованиясь кода промышленной предприятиянень эса, а станежа транспорта кеподсь трудовой энтузиазмань од волна.

Рузаевка станциянь депонь лучшей стахановецне улемок Сталинский 3-це пятилеткат лемса постояннай соревнованияса, сявсть лама дополнительной самообязательства, конатнень лемдездь Октябрьский Социалистический революциять 23-це годовщинанцы подаркакс.

Предоктябрьский социалистический соревнованияса примосихть аф аныдек производствань башка стахановецт—энтузиастт, но тя волнась фатязень марнек предприятиянень и марнек цехнень. Вов депонь автоматнай цехсь, кося бригадиркс аши комсомолецсь Замятин ялгась. Автоматнай цехсь производственной норманц эрьковня пяшкотькшнесь 150 процентста сявомок 300 процентс модемс. Тя цехонь рабочайхне-комсомолецне Шабаев и Кузьмин ялгатне трудонь производительность кеподемаса ащихть примеркс сембе рабочайхненьди.

Аф сяда калдыаста моли работась механический цехсовок. Тяс токарсь комсомолецсь Павелев ялгась няфни рекорднай показателхть, сон пяшкотькшнесь эрьковонь выработкань норманц 350 процентс. Фрезеровщиксь Кожанов ялгась (депота ВЛКСМ-нь комитетть секретаренц 1-це заместителец) рабочайхнень йоткса пользовандай исключительной авторитетса. Сон выработкань планонц пяшкотькшнесь 250—270 процентс.

Рузаевка депонь комсомолсь предоктябрьский социалистический соревнованияса ащи сембе рабочайхненьди вожакок и аш кодамовок сомнения сянь эса, што сон канды производственной од поларкат тя великий торжествань праздники.

Г. Пьянзин.

## Валсна аф аерткшнихть тевт эзда

Самовольевка велень "Парижская Коммуна" колхозста колхозникне нинге 1940 кизонь февральста сявондсть эсь лангзост обязательстват—сатомс зерновой культуратнень коряс эрь гектарть лангста аф 14—15 центнерда кржа урожай.

Колхозникнень валсна аф аерткшнихть тевт эзда. Тя кизоня в среднем колхозсь эрь гектарть лангста сявсь 15 центнер сьора, а башка участкатнень лангста 20 центнер. Колхозсь эсь пингстонза аделазе сьора урядамать и тялямать, марнек рассчитался государстват мархта.

А. Абакумова.

Ковылкинский район.



# КОМСОМОЛЬСКИЙ ЭРЯФСЬ

## Комсомолть руководствас састь од активистт

Тиемок итокт районнай отчетно-выборнай комсомольский конференциятнен работаснонды и ВЛКСМ-нь областной 7-це конференцият работанцы, пкак яркай-ста виеви конашкава кассь идейна и кемокстась Мордовский областной комсомольский организациясь. Стахановский трудса, тонафнемаса, хозяйственный и государственный строительства приносишь инь активнай участия.

Районнай комсомольский конференциятне няфтезь сянь, што первичнай комсомольский организациятнен ламосна правильна шарьхкодезь эсь задачаснон. Сембе тя виеви конференциятнен работаста, конат йотасть оцю идейно-политический уровеньца. Конференциятнен эса отчетнай докладтнен коряс выступандас пренияса 717 ломань. Сембе выступлениятне ульсть направленихть райкомтнен и горкомтнен работаса уликс аф сатыкснен машфтомаснонды.

Темниковский районца делегаттне пкак правдивайста критиковандазь райкомтне ингольден аппаратовц и сембе ширде правильнайста макссть оценка, што ВЛКСМ-нь райкомт работанц конференциясь лувозе аф удовлетворительнайкс.

Районнай комсомольский конференциятнен эса инь оцю мяль шарфголь од активонь пуроптомать шири, активнай общественникнен, а инь пкак стирнятнен руководящей государственной и хозяйственной работати смелайста выдвигеният шири. Тянь колга ВЛКСМ-нь ЦК-ть указаниянц пашкодемаса занясь оцю васта руководящей комсомольский оргаттненди кочкамась. ВЛКСМ-нь горкомонь и райкомонь одс кочкаф 18 секретарьхнен эзда—8 стирят. ВЛКСМ-нь райкомонь секретарьхнен йоткса улихть кафта орденоносецт. Тя корхтай сянь колга, што од активсь касы ши-ста-шис.

Одс кочкаф комсомольский руководительхненди эряви сембе вийса тюремс трудовой дисциплинать кемокстаманц инкса производстваса, школаса, колхозаса и дияса.

А. Пятунин.

## Аш лезкс вожатайт ширде

Кода ушедсь тонафнема кизось, Сире Синдровань средний школань комсомольский комитетсь кемокстась пионеротрядтненди вожатайтхть. Но кда кизефтемс эрь пионерть, кода моли работась синь отрядсост, то получают фкия ответ: „Да минь афи содасась, ули ли минь отрядсонок вожатай, минь аф содасась, тейнек прявок аф няфни“.

Нят кемокстаф вожатайхнен инь ламоснонды эряви лезкс, но тя лезксть синь аф получахненсась.

ВЛКСМ-нь Сире Синдровань райкомт видеса школьной од ломаттнен и пионерхнен йоткса работать коряс комитсият аф шорай варжакстомс Сире Синдровань средний школань пионерорганизацият лангс и примамс эрвикс мерат тоса работать ладяманцы.

П. Тултаев.

Сире Синдровань район.

## ПЕРЕДОВОЙ ОД ЛОМАТТНЕ СУВАЙХТЬ КОМСОМОЛУ

Ковылкина. Буда велень первичнай комсомольский организациясь отчетно-выборнай собранияда инголе лувондовсь анычек 8 комсомолецт. Одс кочкаф секретарсь Куликова ялгась тяни йотакфни оцю работа аф союзнай од ломаттнен йоткса. Тянди результатокс арси ся, што мекольден пингть первичнай организациясь кассь 16 членц.

Комсомолу сувайхть велень инь

передовой од ломаттне. Октябрьковста комсомолу примафт 7 ломатт.

Примафнен йоткса трактористтне-призывникне Курякин М. И и Курякин И. А. ялгатне.

Первичнай комсомольский организациясь одс примафт ялгатнен мархта йотакфни комсомолть роленц и задачанзон колга беседат и занятият.

А. Абакумова.

## Работань васенце результаттне

Проверкась няфтезь, што ВЛКСМ-нь первичнай организациянь кой-кона секретарьхне большевикокс кярмодсть отчетно-выборнай собраниятнен решенияс-нон пашкотькшнема. Республиканский драмтеатрань первичнай комсомольский организациясь (секретарсь Калганов ялгась) выборда меле ламода цебарьгодсь работась. Пцтай сембе комсомолецненди максфть порученият, комсомолецнен инь ламосна упорна кармасть тонафнема ВКП(б)-ть историянц. Сядонга честна и серьезна кармасть пашкотькшнема эсь производственной тевсон и стак тов. Лац ладязе эсь работанц и аэро-клубонь комсомольский организациясь, коса секретарькс работай Грищенко ялгась.

Отчетно-выборнай собраниятнен эса комсомолецне вешть од составть ширде перестроить первичнай организациятнен работаснон ВЛКСМ-нь ЦК-ть XI-це пленумонц решениязон коряс. Однака, сави азомс, што кой-кона первичнай организациятнен секретарьсна, кода пенькокомбинатса Учайкин ялгась, калдывста ваны комсомолецнен нят требованияс-нон лангс.

Пенькокомбинатса тячемс комсомолецне порученият аф кандыхть, комсомольский комитетть ашель работань планоцка. Лама комсомолецт пцтай прокс аф грамотнайхть. Сянь вастс, штоба организовандамс тейст политграмотань кружок. Учайкин ялгась марькс тонафнемс ВКП(б)-ть историянц сембонди самостоятельна.

Аф пашкотькшнени комсомолецнен мархта производственно-трудо-вой дисциплинаське. Сякажа пенькокомбинатса отчетно-выборнай собранияда меле работамс поздазь 2 комсомолецт.

Аф сяда цебарьработась общепитонь первичнай комсомольский организацият эсовок. Тяс секретарсь Пителина ялгась нинге Краткай курсть кядезонзонк испе-савонде. Ресторанца пцтай аш-фкявок ВЛКСМ-нь член, конанц лангс афоль уль ба жалоба. И сембонь тянь Пителина ялгась лувондсы нормальной явлениякс.

ВЛКСМ-нь горкомти аф шорай сяда сиденяста варжакснемс нят организациятнен шири и лездомс тейст ладямс комсомольский работать.

С. Самошкин.

## Японияста, Кореяста, Манчжоу-Госта английский и американский граждаттнен эвакуацияснонды анокламась

„Юнайтед пресс“ агентствась пачфни, што английский правительствась вانونды кизефкс Дальний Востокть кой-кона районзон эзда английский граждаттнен эвакуацияснон колга. Нят райоттненди васендакиге относятся Япониясь, Кореясь и Манчжоу-Гось.

США-нь государственной департаментсь кемокстазе сообщеният сянь колга, што сон поручил Дальний Востокса США-нь консулхненди рекомендовандамс американский граждаттненди, конат аф сотфт срочнай тев мархта, ка-

домс Дальний Востокть.

Государственной департаментть представителенца заявили, што нят мероприятиятне тертьфть Дальний Востокса аф нормальной положеният мархта.

Государственной департаментть сведениязон коряс, 1940-це кизонь январь 1-це шивцты Дальний Востокса ульсь 16.883 американский граждан, сяка лувксса 7 тьожьянда ламось—Китайса, 8.100 ламось—Японияса, 1.500—Гонконгса, 128—Индокитайса.

(ТАСС).

## Англо-германский войнась

Германский армиянь верховнай командованият сводкаса корхта-ви, што октябрь 8-це шистонза 9-це шинц каршес веть германский авиациясь мольтезен эсь действиязон Лондонть и Англия-ть иля важнай пунктонзон каршес. Сембода вишкт ульсть Южная Англиянь ошень промышленной сооружениятнен, машиниктнен и аэродропнен лангс атакатне. Лондонть лангс октябрь 9-це шинц каршес веть ульсь йордаф 300 килограммань сталма бомбат.

Английский сообщениятнен коряс, октябрь 8-це шинц каршес веть английский самолеттне тисть налет Берлинть лангс. Ошса военной объекттнен лангс бомбардировкась мольт пцтай 4 частт. Английский бомбардировщиконь иля соединениятне атаковандазь Ла-Манш проливть побережьяса порттнен, а тяфта жа Германия-ть эсь территориясонза и оккупированной странатнен эса военной объекттнен.

(ТАСС).



Вильнюс ошсь деятельна аноклай Литовский ССР-нь правительствать странать древний стализона предостояй йотаманцы. Моли кинь, площадень, зданиянь ремонт, тиедевихть од скверхт и газотт.

СНИМКАСА: Ошть центральный площадьса моли благоустройствань работась. Фотось Д. Черновть.

## ТАСС-ть сообщенияц

Иностраннай печатсь и, сембода пкак, „Дейли телеграф“ и „Энд Морнинг пост“ английский газетатнен эса, „Юнайтед Пресс“ агентствать сообщениязон эса, „Врадин“ греческий газетаса пивгста-пингс эвондакшнихть сообщеният сянь колга, што, якобы, советский правительствась тис германский правительствати требования бывшай польский областтнен максомаснон колга, конат йотасть Германият, и што тя кизефксть коряс СССР-ть и Германият йоткса вятевихть, бта кода-ма бди переговорхт.

ТАСС-сь уполномоченнай азомс, што сембе ня сообщениятне прокс аф соответствовандайхть действительности, ашихть сплошной вымыслакс и относится сплетнянь категорияти, конат нолявихть провокационный целенкса.

## Германский опровержениясь

Германский иностраннай тевонь министерствать представителец печатень представителхненди азозе, што кулятне Румыния германский войскань кучемать колга аф видет.

Румынияв кучфт анычек германский офицерхт-инструкторхт и образцовой германский частть, конат кучфт Румынский армияти учебнай целенкса.

(ТАСС).

## Румынияста английский граждаттнен тумасна

Рейтер агентствась пачфни, што Румынияса английский посланикс макссь совет сембе английский граждаттненди инь курукста тумс Румынияста. Сембе английский подданнайхне тусть ни Румыниянь центральной нефтяной райоттнен эзда. Бухарестса илядыкс англичаттне туйхть маластонь шитнен эзда.

(ТАСС).

Ответ. редакторсь И. ЧУДАЙКИН.